

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**


**Pragæ, 1672**

Caput XXIX. De medijs, quibus juvari possumus, ad consequendum &  
obtinendum perfectum amorem Dei.

**urn:nbn:de:hbz:466:1-38580**

Sanctorum & Beatorum, qui transeuntes ex hoc exilio, per crucem & tribulationes seculi, ac amantes vero amore suum D E U M, meruerunt possidere, & consequi beatitudinem. Ac tandem nobis dabit se ipsum, quæ est merces regia ac magnifica infinitæ ejus liberalitatis ac bonitatis, repellentis & satiantis animam, ineffabili sua gloriâ ac beatitudine æternâ. Hoc est,

quod speramus, per istum Dominum, & ab eodem magno Domino ac Rege nostro, remunerante abundantissime nostra exigua obsequia. Sit magna ipsius Majestas benedicta in æternum pro omnibus. Amen.



## C A P U T XXIX.

De medijs, quibus juvari possumus, ad consequendum & obtinendum perfectum amorem D E I.

### §. I.



1. Rimum medium & gradus, pro ascensu ad istam sublimitatem perfecti amoris D E I, est puritas animæ, quam Dominus D E U S, utpote Author & Architectus hujus præclari ædificij spiritualis, ipsi infundit, dum ita ponit suâ potente manu primum lapidem, purificando animam, & præservando à lapisibus ac malis, quæ possèt incurrere, propter hostem humani generis, jam inde à primis annis ætatis suæ infantilis. Iste est magnus passus, & fundamentum pro inveniendo hoc thesauro.

2. Secundum medium est, ædificare cum gratia D E I, quæ nunquam deest, disponenti se, pro illa suscipienda, supra istud tam firmum ac securum fundamentum. Lapidès hujus ædificij debent esse pretiosissimi. Primus erit summa humillima & amabilissima illius magni ac benigni Domini, à quo, ex sola ipsius bonitate, accepit illam primam gratiam. Secundus erit, integrè resignare & amabiliter subiucere seipsum Divinæ voluntati, atq; conquiescere in ejus providentia, cum magna pace & securitate. Tertius erit, conti-

nua, fravisi, ac jucunda memoria D E I, quem debet conari semper gerere in oculis suæ animæ, cum magna humilitate & reverentia. Lapidès pretiosi harum Sanctarum Virtutum, & exercitorum, sunt magni momenti pro isto supernaturali ædificio.

3. Tertius modus erit, ut homo in peragendis omnibus suis operibus virtutis, & exercitijs spiritualibus, semper exequatur id quod est perfectius, quodq; scirent & intellexerit esse gratius Divina voluntati.

4. Quartum medium est, ut scopus & finis omnium operum ejus sit, major gloria D E I, & in ipso, ac per ipsum operetur omnia, quæ fecerit.

5. Quintum erit, imitatio Christi Domini, ut conetur, quantum est possibile, insistere ipsius Sanctissimis passibus ac vestigijs, sitq; paratus ad dandam libenter, & promptissimè vitam amore illius, quandoq; Divinæ Majestati placuerit, fuitq; sancta ipsius Voluntas.

6. Sextum, ut propter omnia sua opera, quantumcunq; Sancta & mirabilia videntur aut sint, nolit, neq; intendat quidquam aliud, vel ullum commodium, praeter gloriam ac beneplacitum Domini D E I, qui ipsi solus debet sufficere & satisfacere etiam si pro hoc Domino passus fuisset.

ties mille mortes. Hæc sunt media & gradus, pro ascensu ad istam Divinam sublimitatem perfecti amoris DEI: ex quibus operibus, & exercitijs sanctis ac virtutis, componit DEUS cœlestem quandam mixturam & confectionem, unde emanat ac procedit in animam, illa Divina aqua viva, istius Divini Amoris, qui est complexus fortis ac potens, & unio quædam perfecta DEI cum anima, in qua unione memoria, intellectus, ac voluntas non sciunt, neq; sentiunt quidquam aliud, quod non sit DEUS, vel directum ad DEUM, sive id sit humile, sive altum, desolatio vel crux, aut solatia, favores ac favitatem: in quibus omnibus invenit DEUM, quia ipse est in omnibus. Nec volo dicere, excludi à thesauro perfecti amoris DEI illos, qui fuerunt peccatores, & absuerunt se ac purificaverunt per veram pœnitentiam, disponueruntq; se cum gratia DEI, ad obtinendam istam misericordiam: quia scimus in Ecclesia DEI repertos fuisse plurimos, quibus Divina Majestas communicavit istam gratiam: verum ego nunc speciatim loquor cum illis mundis corde, qui tales sunt ex Divino mune, de quibus mihi sermo fuit: hoc namq; facit ad propositum intentionis, quam DEUS mihi inspiravit. DEO gratias.

### §. II.

*Ea quæ possunt interturbare, vel  
impedire assequutionem perfecti  
amoris DEI.*

1. **P**rimum ac præcipuum, quod potest impedire hunc Divinum amorem, tanquam radix, & fons, unde emant ac procedunt omnia reliqua, est oblivio DEI, & dum quis quasi proscriptis Divinam Majestatem ex suo corde. Hoc est magnum damnum, ac malum animæ: sicut enim maximum bonum ipsius est, memoria & præsentia Domini DEI, cò quod adferat tanta bona luminis, fortitudinis, infallibilitatis, facilitatis in operibus,

ac virtutibus, & alia innumera bona: ita oblivio DEI secum invehit ingentia mala, tenebrarum, obscuritatis, deceptionum, cæcitatis, pigritiæ, & fastidij rerum sanctarum, ac virtuosarum, aliaq; multa: cò quod sit, ut ajunt, radix & principium omnium malorum, ac damnorum spiritualium. Quamvis autem videatur, sitq; magis contrarium isti Divino amori peccatum, quod actualiter committitur, credo tamen sine omni dubio, hujus ipsius radicem ac principium esse, prædictum malum oblivionis DEI: ideoq; qui habuerit memoriam DEI, valde erit vicinus immunitati à peccato, qui vero habuerit oblivionem, lapsi & peccato.

2. Secundum, quod impedit hunc Divinum amorem, est, cupiditas inordinata quarumlibet rerum, quamvis sint bona & spirituales, quæ transgreditur limites resignationis quoad omnia, in Divinam voluntatem.

3. Tertium sunt, peccata ac defectus animæ, præcipue illi, qui committuntur in eo profundo ac miserabili somno obliionis DEI.

4. Quartum est, si anima habeat aliquod idolum, quod adorat, volo dicere, aliquam creaturam, cuiuscunq; generis, aut conditionis sit, quam nimium amat.

5. Quintum est, quædam insensibilitas ac tepiditas culpabilis, in desiderando, & exoptando thesauro cœlesti Divini amoris.

6. Sextum est, quod pro sanctis ac bonis desiderijs, quæ illi dat DEUS, & communicat, ut exerceat virtutes, sedeq; perficiat, & pro ijs, quæ cum ipsis operatur, velit ac intendat, quamvis occulte, suam mercedem, & utilitatem: cum ipsis sufficere deberet sola gloria DEI. Hi sunt gigantes, & hostes vehementer contrarij Divino amori, & qui hoc vicerit, existimo facile fore, ut cæteri omnes superentur. Det nobis Dominus ad hoc obtinendum suum Divinum spiritum. Amen.

### Dddd 3

### §. III.

## §. III.

*Origo & causa nostri amoris erga  
DEUM, & erga nos ipsos.*

Cum noster Dominus, ac magnus DEUS, sit bonum infinitum, adeoq; dignus amari, amore magno ac infinito, creaturæ verò non possint illum sufficienter amare, sicut esset amandus, neq; sint tanti amoris capaces, nè Divina Majestas careret eo, quod merebatur, eiq; tam justo titulo debebatur, providit ab æterno idem met Magnus Dominus, ut tributum tantopere tali bonitati debitum, ipsi penderetur, per amorem infinitum, cuius ille solus est capax, & ipsius Magnitudo ac Infinitas, quæ seipsum perfectissimè comprehendens, infinitè se amat, amore infinito. Ex hoc immenso ac infinito Divino amore, quo noster Magnus DEUS ac Dominus seipsum amat, oriuntur, & prodeunt flumina ac fontes Divini amoris, quem communicat idem Dominus suis creaturis, tanta cum virtute, & cum ijs effectibus, ut, qui illum assequitur, & particeps sit hujus Divini ignis, ac dulcium aquarum, non possit esse otiosus, neq; contine re istud bonum in se solo, quin communicet ac impertiatur aliquid hujus Divini thesauri illis, qui ab eodem Domino sunt consequuti ipsius Divina bona, suntq; absoluti sanguine Christi JESU Domini Nostri, & absorpti ac immaersi in hoc Divino mari amoris ipsius. Hoc Divinum mare infiniti amoris, quo DEUS seipsum amat, continet, & complectitur in se talam virtutem, talemq; generositatem, ut dum se copiosè communicat omnibus variis elegit & sacris, videlicet Beatis, & ani-

mabus puris, replētq; ipsorum sinus hoc Divino liquore, non imminuantur, nec deficiat, aut exinaniantur, & instar maris retineat nihilominus istam abundantiam, ut inde profluant flumina harum Divinarum aquarum, eodemq; revertantur. Si quidem origo & causa hujus amoris, quo creatura amat suum DEUM ac Dominum, est, quod ipse illam respexerit ac amaverit, ubi habet suam virtutem ac vim iste Divinus intuitus ac amor, qui est principium, ac finis & causa universalis omnium nostrorum bonorum, quæ nobis obtigerunt per Christum Dominum: per quem Dominum facti sumus gratiæ Aeterno Patri. Huic Bono nostro ac thesauro, Christo Domino Nostro, non fuit satius nobis adferre omnia ista bona, redderetq; nos corundem participes, & esset nostra salus, ac noster Redemptor; sed dignatus est præterea, esse noster Magister, & nostra Lux, nosterq; Dux: ut hac ratione videntes ipsum, & cum eo agentes, cognoscemus illum, & amaremus, ac imitaremur, sequeremurq; ejus vestigia, amando vehementi amore ac desiderando crucem, quam ipse amavit, cum hæc sit vera probatio amatorum Christi Domini, nec non abhorrendo ab omni eo, illudq; spernendo, quod ille sprexit, & à quo abhorruit. Ista ingentia bona, quæ habemus, in nostro Bono ac Domino, & quæ ille, quod hoc, habet in semetipso, volui explicare his lineis, eò quod illa sim experta, ac delibaverim, iisdemq; valde delectata, & satiata fuerit mea anima...

••(\* \* \*)••



CAPIT